

少師朱襄毅公督蜀疏草

少師朱襄毅公督蜀疏草卷之

選議將領疏

欽差提督軍務巡撫四川等處地方都察院右僉都御史臣朱爕先謹題爲選議急缺將領以資彈壓事據四川布政使司呈奉臣紙牌據叙瀘道報稱逆賊逃回之日黨衆尚有六萬渡瀘僅止一萬餘俱潰散崇明獨卧一小牀偷走茜草壩回巢等因爲照逆賊旣歸巢穴勢必糾合鄰司犯我若不先剪重慶斷其犄角而宿重兵

於瀘合仁納以待併剿則門戶得以出入無忌且將復聯渝州至於省城重地向來無備今賊雖退尤慎防閑合行查議爲此仰司官吏卽便會同按都二司各道逐一查議重慶作何恢復卽今上東道所督漢土官兵之外應否再添官兵策應瀘州合江江安納谿綦江仁懷一帶係賊門戶某處應置兵若干省城重地應留兵若干石砫土官告稱願復重慶回司應否留攻逆賊逐一議妥具由報院施行等因奉此又蒙巡按四川監察張御史紙牌照得時當叛變正需將材今照諸邊及永寧

各處一時並缺萬難久懸合行議補爲此仰司呈堂卽  
便會同按察司作速查議各邊員缺應否就近陞補已  
陞官員應否暫留防禦見在討賊將官何者堪補某邊  
某處至於永寧重地尤爲喫緊當日兵變之際原議何  
官彈壓必得副將一員坐鎮彼中以安地方逐一虛心  
議妥限文到二日內通詳呈院以憑復酌具題于係疆  
場重務毋得遲違蒙此又蒙本院批據分守下川南道  
呈報長寧失陷并請范副總禦賊由詳蒙批近報長寧  
已陷叙府孤危添兵發餉何待再計范副將果饒謀勇

布政司詳報會疏以示鼓舞繳蒙此移照按察司該本  
司署司事右布政使林宰看得奢賊遁逃會合乘機追  
剿但大兵未集犁庭有待各處要害急宜命將把守查  
得叙瀘一帶瀘州爲賊咽喉上而長寧高珙建武接壤  
鎮雄十餘處皆羊腸鳥道在在係賊出沒處所急當防  
禦原設叙馬瀘叅將當循例增置以防正西一面又合  
江當賊之北上而仁懷下至落洪赤水衛綦江皆賊必  
由之路水陸兼通若無重兵防堵則賊牽制瀘陽而暗  
從北出瀘陽何以能守播亂時原設有合江叅將仍宜

急補以成叙瀘犄角之勢第十軍九帥事多推諉各路  
信地俱當專聽約束方可齊一以責成功今查得原任  
鳳陽列銜留守今協守南城范繼道裘帶儒風韜鈴將  
略浩氣目無勁敵沉機胸有甲兵名色把總今協守北  
城薛來後矯矯鷹揚桓桓虎視長技夙擅穿楊壯圖常  
懷裹革此兩員者在城守能保障乎一方在出征可決  
勝於千里合無以繼道題管叙馬瀘叅將事自仁懷以  
上至鎮雄聽其分布以來衍題管合江守備事自仁懷  
以下至綦江聽其防禦其兩路兵馬各聽提調則官得

其人人得其官可戰可守其以固疆圉而殲醜賊大有  
裨矣其員缺候事平日另議裁革等因回覆到司該本  
司左布政使周著看得會城簡練營兵以爲防而石砫  
願往重慶以恢復無容復議外惟是瀘州乃奢酋出入  
門戶叙馬通乎烏蒙合建達於古藺而鎮雄夾雜其中  
箐險山高苗多漢少合則狐兔遽難以苗而攻苗來若  
蟻蜂必須闖入而闖出則選能將督勁兵以遏瀘州賊  
突之路委爲急著查得南城原任浦口備禦新加銜副  
總原議管永寧叅將事范繼道揮霍不羣已試長才大

畧沉雄應變尤兼足智多謀且擐甲八面生風飛騎千  
夫辟易合無將本官具題授以敘馬瀘叅將凡敘馬建  
武一帶之兵聽其約束庶賊不能以精銳再出江安納  
谿蹂我內地至於合江亦徑由夾子口直抵奢首巢穴  
上達嘉叙下接重涪亦委須一將一隊爲瀘特角查得  
加銜遊擊薛來衍勇力兼人提刀真可向敵忠憤出衆  
拔轔不惄危巢屢見匹馬當前果然一身是膽伏乞蚤  
賜具題授以合江遊擊其江津綦江一帶俱聽應援統  
俟賊平議撤改補地方庶滿地有旌旗犬羊不敢窺我

之堂奧而到處多將士掃蕩何難洗彼之穴庭考諸征  
播蜀之東南守城護餉各增兵將而今日事勢委當亟  
爲設立者也等因呈詳到臣該臣會同總督川湖雲貴  
等處軍務兼理糧餉兼制陝西漢中地方兵部右侍郎  
兼都察院右僉都御史張我續巡按四川監察御史張  
論議照抗敵摧鋒固需將領而分疆畫守宜設偏裨昔  
年播亂僅陷綦江一邑自處賊巢之中尚調各省大兵  
增置將官若干人方奏蕩平之績乃今蘭賊蹂躪州縣  
四十餘處東衝西突全蜀震驚蓋以將領寥寥事無專

責故也查得永寧一帶與水西烏鎮等處比鄰原設叅將久已報闕當茲逆賊狂逞鄰苗蠢動之時則設偏裨以資彈壓誠不容緩應自仁懷以至鎮雄叙瀘建武一帶設叅將一員至於合江征播時設有叅將此地既爲蘭賊出入門戶又當重涪上游思患預防尤宜備禦亦應設守備一員各畫地分理及照原任浦口備禦留守今加銜副總范繼道勝筭富於胸中謀略運諸掌上名高闢外功著蓉城援遼把總今加銜遊擊薛來衍滿腔司馬之兵徧體子龍之膽捐貲餉士壯志請纓在繼道

以酋亂入省在來衍以隨父還陝經過成都二官遂同在圍城中日夕登陴分門戰守各一百晝夜勞苦備極今見在督兵剿賊各擬事平優叙合無卽以范繼道管叙馬瀘等處叅將薛來衍以合江等處守備管叅將事此二臣者皆可防邊討蘭用寄于城伏乞勅下兵部再加查議如果臣等所言不謬覆請將范繼道實授叅將薛來衍寔授守備各照信地彈壓分理仍各統兵剿賊俟事寧另議改補儻效有奇績破格優叙地方幸甚天啓二年五月十九日具題奉聖旨兵部知道該本部覆

將范繼道量陞署都指揮僉事以遊擊將軍職銜管叙  
馬瀘地方事薛來衍量陞署都指揮僉事以都司僉書  
職銜管合江地方事奉聖旨是

議擢材勇疏

題爲議擢材勇以示激勸事自去歲奢賊發難臣督率官兵且守且戰迄今已九閱月近日逆賊復借苗兵數萬乘間衝突九司六縣相繼奔潰臣輿疾馳赴叙府會同總兵楊應樞副使李仙品赫奕發兵迎敵又行郊下南道叅政王世仁分兵於瀘納南溪等處截賊出路連日接戰尅捷斬獲頗多除塘報外其各將係欽依世職俱當候事寧照例優叙獨有降人羈客與夫白衣報效者雖皆酌量功次各與一劄而日久不爲上聞輒以爲

拚死效力而徒虛文相籠也况元惡未除進剿伊邁正鼓舞用命之日卽未必能一一徧擢謹就在事久而效力多者如降將羅乾象胡汝寧胡汝高生員鄒蔚然范祖文胡肇虞首先納款設計誤賊致令宵遁厥功不細材官何正光張明遠武聲華李忠袁可成郭思正夏光裕孫世信周元儒何繼光朱可榮每陣衝鋒備嘗艱險通吏劉養鯢捐資結客贍智過人生員陳于朝熟知苗情夙夜匪懈內羅乾象應授參將胡汝寧胡汝高鄒蔚然范祖文胡肇虞應各授遊擊何正光劉養鯢張明遠

武聲華陳于朝應各授守備李忠袁可成郭思正夏光裕孫世信周元儒何繼光朱可榮應各授指揮職銜俱隨臣調遣相機搗剿俟事寧之日查勘功次再題陞授實職庶人情激勸而敵愾益張矣天啓二年五月十九日具題奉聖旨兵部知道該本部覆將羅乾象授遊擊職銜胡汝寧胡汝高鄒蔚然范祖文胡肇虞授都司僉書職銜何正光劉養鯤張明遠武聲華陳于朝李忠袁可成郭思正夏光裕孫世信周元儒何繼光朱可榮各加守備職銜俱奉聖旨是

糾叅鄉紳構苗疏

題爲鄉紳構逆有跡誼難隱昧謹據實直陳以祈聖斷事臣惟世道清寧國恩浩蕩以重臣而發大難理所必無卽語諸三尺童子亦不肯信而不意蹤跡詭異有如太僕寺少卿劉時俊所爲者臣言而不實祇得躁妄之罪若知而不言則爲扶同爲欺蔽抱罪滋大敢備爲皇上陳之去年九月十七日蜀有渝城之難時俊於一月前寓居省會聞變之日在城鄉紳語按臣薛敷政曰此事非時俊不可收拾宜加重銜捐金聽其出入速行二

司具一公移卽日具題仍各造宅敦請渠乃肯任是時  
臣待罪首藩獨倡議曰奢崇明果不知情可以撫定豈  
有不畏朝廷之威靈不奉撫按之諭帖而獨斤斤聽一  
鄉先生乎若其主謀卽百劉宦烏能止之且吾輩食祿  
有年鬚眉自在卽不能殺賊取勝亦可罵賊而死何苦  
傍人作活同官周著力主臣議而又有以爲當屈志全  
城者臣不得已貽手書問之內云渝州變後音問未通  
以情勢叅之奢崇明定不知情上差求一司馬長卿而  
不得耳翁臺念切維桑且爲宣撫夙所憚服儻肯發咫

尺之書明白曉諭其蔑不濟所謂一紙賢於十萬也懷  
寶述邦智者不爲萬一有事其能晏然乎次日時俊自  
來謁臣謂此事不敢不任但當聽我所爲臣問云何時  
俊曰此行但挈樊龍張彤仍往援遼重慶一節且弗說  
起臣應之曰若此則不惟據蜀且欲圖燕乎遂色變而  
別至十月初一日臣往謁按臣見干旌載道問之則時  
俊行矣至十一日譟者云時俊至隆昌而復回矣按察  
使林宰語臣曰適訪劉宦云賊勢浩大城必不守俄而  
有報臣者云南門諸生謂時俊暗藏奸細率衆撲之時

俊踉蹌而出未免受辱有輿亦被擊碎又有自重慶逃回吏書各役告臣云樊龍是日坐占衙門軍民投降請票者萬餘人匍匐階下有劉鄉官僕持金幣書儀叩頭稱賀次日樊龍回禮四十兩差一苗人送之出門問劉宦爲誰則云不知至十五日溫江縣典史鄭煌解奸細三人到臣內有一人潤稱縣差闖城門而入臣審之乃時俊家人從腰間搜出貽按臣手書一封真草相半內云事勢已急宜操小艇星夜往叙府潛避可有數月之安又代草一告示藁臣當發推官羅寬寬轉送按臣今

可取而覆閬也夫奢酋四路入犯叙當其三是時南溪之圍正急而時俊獨勸按臣行者蓋奢賊之意原欲徑取成都有成都何患無敘祇恨南溪知縣王碩輔死守故力攻耳而時俊不知何處籌咨遽得其機竅也今蒙皇上授以名卿委以贊畫爲國爲家宜何加激烈而自正月荆夔募兵費已不貲督臣派信地於敘瀘至今四閱月杳無音耗差人訪之尚徘徊於重慶百里之外被髮纓冠恐不若是五月十六日川東道僉事戴君恩有揭到臣云秘事不便明言然事關宗社不敢隱匿謹將

原狀封呈臣拆視之乃樊龍一呈詞也內稱宣撫司援  
遼官目樊龍等爲姦宦造端發難貽累事本司世代忠  
良毫無別念去年內被鄉宦劉時俊差伊舅持密書到  
司啓內云北都圍困賀世賢李作變事情動土官  
就此援兵展步彼時撫主卽遣漢把馬養吾餽金刀護  
膝等物徑到榮昌同監與師衆等遂踞此局若有虛言  
天誅地滅爲此上諫臣反覆思之時俊自負人傑豈其  
病狂至此或狡賊謬以相陷亦未可知但以前之作用  
旣如彼近日之聞見又如此臣身任疆場關係匪細有

聞必告職分宜然謹會同總督川湖雲貴等處軍務兼  
理糧餉兼制陝西漢中地方兵部右侍郎兼都察院右  
僉都御史張我續巡按四川監察御史張論合疏上請  
伏祈聖明勅下部院從公查勘庶真僞明而忠邪別矣

天啓二年五月十九日具題奉聖旨已有旨了該部院

知道

道臣患病乞休疏

題爲道臣患病危篤乞賜放歸調理以遂生還事據四川布政使司呈奉臣批據按察司副使兼叅議管分守川北道事周道直呈稱職向以勞瘁成病業蒙賜假調理已荷深恩旣因病勢沉重具詳請休恭候憲示但念日來病入膏肓諸藥罔效一息奄奄與死爲鄰極知其萬無生理且以病謝事印已久封多事之秋文移寢閣必至耽誤罪死曷贖懇乞急賜允放速令代署儻得一息少延永圖銜報等因由詳奉批該道履任方新而控

詞迫切得無真有不得已之情耶仰布政司查議應否  
慰留速報奉此又奉總督川湖雲貴等處軍務兼理糧  
餉兼制陝西漢中地方兵部右侍郎兼都察院右僉都  
御史張我續批據該道呈同前事奉批蜀難孔棘正藉  
匡襄該道籌畫積勞不妨暫攝自愈胡爲乎復有此請  
也仰布政司會同按察司敦慰勉留視事此致奉此隨  
移按察司會留去後又奉本部院批據該道呈爲印信  
事照得本道原以勞傷心血痰火壅發病勢沉重旦夕  
莫保屢牘前詳仰蒙憲諭諄切感激之私等於覆載無

奈自傷命厄醫藥罔效日漸危篤與死爲鄰奄奄待斃  
獨謂印久塵封恐誤公事所宜代攝但查往例應咨送  
本司議詳委署第值兵務旁午之秋驛站疲苦之日若  
拘往例不無往返勞費夫馬且守巡地方原係一體二  
道印務常相兼攝合將印卷吏書於四月十四日徑送  
巡北道閔叅政暫攝職不得已輿疾就道雖因時勢從  
權然未敢專擅請乞本部院批行本司移會該道查照  
管理等因由詳奉批仰布政司查報奉此又蒙巡按四  
川監察御史張論批該道呈同前事蒙批該道曾兩以

悉請本院兩批慰留矣據詳業已交代起程布政司查  
報蒙此該本司看得守北道副使周道直博大端凝器  
度精明果毅才猷治郡卓有循聲籌兵倍多勞勸當茲  
西蜀孔棘之日正惟北道共勦之時一旦遽疾懇辭荷  
蒙批行慰挽乃本官再三陳請委係真情原非假托且  
今業已謝事印卷吏書已交巡北道閔參改代攝又經  
輿疾起程似應俯從所請爲便伏乞本院具題准令本  
官回籍調理俟病痊起用等因呈詳到臣卷查先據該  
道呈詳前事已批該司查報去後今據前因該臣會同

督臣張我續按臣張論看得分守川北道副使周道直  
規模博大蘊藉弘深治郡久著芳猷轉任更饒懋績當  
逆酋圍省之日木官以帶攝巡下東道印務調兵措餉  
拮据備至且路當孔道督發應援官兵晝夜靡寧正擬  
事寧優叙而不意積勞成痼迫求歸養屢經慰留竟不  
可挽及輿疾境上猶捐俸一百兩助餉是其急公之念  
雖去不忘而委頓眞情亦應曲體旣經該司查議前來  
相應會題伏乞勅下吏部再加查議覆請准令周道直  
回籍調理俟病痊起用遺下員缺照督臣疏議推補庶

賢才不致終棄而勞臣溥被勸酬矣天啓二年五月十九日具題奉聖旨吏部知道該本部覆奉聖旨是

塘報克佛圖關

爲塘報克復險關逼攻渝城事據總理四川監軍道按察司副使丘志充貴州監軍按察使楊述程報稱四川總兵官杜文煥同職等領毛兵營官軍於四月二十二日卽攻佛圖關二十三日又打一陣殺入其壘二十四日黎明杜文煥率領親丁及毛兵營加銜參將楊克順等兵直衝賊營石砫宣撫司領兵官秦明屏率本部兵遶出賊後督兵五千出戰杜文煥指揮衆兵奮勇徑前撲殺一處賊衆大敗追入佛圖關下殺死三千餘人屍

積深溝兩岸俱平賊營二十餘寨一時俱空職與楊按察使日在軍前親自督陣目覩血戰光景真摧枯拉朽從渝城有變以來未有創賊之甚如今日者也此時佛圖關上下一賊俱無二十五日卽督兵攻城有功員役查明另報等因又據重慶府忠州判官陞河南新鄭縣知縣胡平表呈報卑職於二郎關分布河南北兩路漢土官兵連營已畢二十二日發部下衝鋒將士旗手領兵徑取佛圖關二十三日督領石砫宣撫司女將秦良玉領兵官秦明屏率各將官秦翼明秦可秦允成秦拱

明譚弘化馬邦興譚良佐等併力攻取斬獲賊功無數  
二十四日復與賊大戰燒燬賊營一鼓奪關賊兵大敗  
追殺至城下俘斬甚多俟查明另報一二日內即可擒  
斬逆賊恢復渝城矣各緣由飛報到職該職會同總督  
川湖雲貴等處軍務兼理糧餉兼制陝西漢中地方兵  
部右侍郎兼都察院右僉都御史張我續看得渝城原  
係天險而樊龍等各賊連營於佛圖關上控據要路故  
官兵久未能克且寅賊出沒瀘合崇明直犯叙南兩處  
牽拽我師狡謀百出今四月二十四日總兵杜文煥等

督率官兵奮勇殺賊攻奪險關釜底遊魂旦夕可殄若  
移得勝之師轉擊瀘叙勢將成於破竹功可奏於犁庭  
矣除檄催道將上緊攻取期收萬全所獲功次查明另  
報外理合塘報天啓二年五月十九日塘報兵部

塘報復江安縣

爲塘報賊情事四月二十九日據總兵楊愈懋塘報本  
月十五六日據塘報官陳世佩等報稱探得奢寅統領  
苗兵數萬再調納谿方山茜草等處劄營叛賊說要一  
枝由水路進攻南溪一枝由合江應援樊龍張彤兒等  
情到鎮於十九日點發標下官兵內丁五千餘名責委  
署坐營吳民望中軍盧世卿都司李承芳遊擊顧遠四  
營千總守備等官雷鳴春張明遠等及火器中軍馬繩  
祖內丁千總楊柱等督發去後於本月二十五日辰時

據盧世卿報稱二十一日到南溪據塘報謝大言等報  
稱探至江安縣地方聞得城內奢酋約有三四千人每  
日五鼓造飯天明食畢擺列旗號吹打上鏡子山劄營  
以張賊勢午後復回城內住宿河邊有船五六十隻內  
裝米穀遇晚留兵看守有十餘人打黃傘不時往來行  
走等情稟報到職卽與吳民望等密議傳令各兵於二  
十三日一更後吳民望等攻打西門張虎等攻打北門  
四面攻圍賊從東門衝出湯廷耀王成功馬繩祖等奮  
勇截殺馬茂張虎催兵殺到河邊都司李承芳千總劉

澄堵住要路各賊慌懼投入江內不計其數斬獲首級  
八百餘顆拏獲婦女八口奪獲賊船五十餘隻槍刀弩  
箭綿甲腦包絮被共二千餘件賊馬五匹等情到鎮又  
准監軍張鄉官手本移稱本月二十一日協同加銜副  
將羅乾象遊擊胡汝高何正光何繼光曹守爵都司周  
元儒守備席溥范錢安如山等自叙府監督官兵五千  
員名同楊總鎮原發標兵內丁至二十三日五鼓直抵  
江安縣被賊將四門關閉內用矢石交攻有羅副將胡  
遊擊統兵至東門城角奮勇登城持槍攻殺賊勢披靡

將四門大開官兵一擁齊進自寅至辰連攻數合奢賊  
大敗一掃盡殺斬獲首級七十九顆生擒六十名箭檜  
殺死六功奪獲羸一頭牛一隻槍刀標弩十件馬絮三  
領哪叭黃傘腦包各一件又江安知縣陳達道報稱守  
備陳一策千總陳勤吳應舟等斬功七顆生擒二十四  
名賊馬一匹銀粧鞍一副令旗二枝又南溪縣加銜遊  
擊張朝宸斬級二顆袖銃打死二功生擒四名合行塘  
報等情又據兵巡下川南道叅政王世仁呈稱四月二  
十一日奉督撫按三院行催督率官兵前往相機剿賊

於次日到南溪縣地方相離已被賊據江安縣三十餘  
里議同監軍張鄉官密調統兵官劉養鯢何正光羅乾  
象李承芳周元儒何繼光曹守爵吳民望雷鳴春王成  
功湯廷耀張虎盧世卿顧遠安如山周世昌丁榮勝伯  
輪王壯猷張明宸范鐵李縉楊應海等官兵於二十二  
日夜三鼓密令各兵一齊前進是時江安各賊知風乘  
陴矢石交下我兵奮勇先登舉火爲號各兵遂從各門  
湧入城中居民喊聲震地助我軍威賊衆四面受敵一  
時潰敗除城外打沉船中落水死者不計其數實共擒

斬僞叅將梅受僞知縣白元柱等共七百六十六名顆  
所得婦人除該縣有人識認者卽與領去實解到十二  
日行令各親屬識認其無人認者變賣充餉所獲馬廄  
刀劍器械等項給賞各兵隨檄鄉兵加銜守備袁昌羅  
尚文率原募各兵防守戰兵各自回營再圖前進至次  
日據江安縣報稱賊發馬兵百人前來偵探見得橫屍  
遍地我兵方欲接鬪而彼放聲大哭飛馬遁去此一役  
也遏復張之賊勢快積忿之人心自此乘機奮力或遂  
搗穴犁庭等因又據加銜副總兵薛來衍報稱督兵至

隆昌玉蟾寺遇賊對敵我兵奮勇死戰用銃砲打死各  
賊得功六百餘顆賊始敗退我兵劄營隆昌以待進剿  
等情各報到職先是瀘州鄉官叅議張鍵被酋焚刦義  
激同仇職與總督廉知本宦朐富甲兵令其監督剿賊  
去後今據前因該職看得江安縣設居險隘爲賊出入  
要路乃我之所必守賊之所必爭者當酉攻陷之後知  
縣陳達道已經恢復不意賊糾隣苗仍復占據幸鎮道  
諸將悉心區畫俾將士用命一鼓破賊大憝授首軍聲  
已振知縣陳達道先已陷城見在查勘職於有司功罪

疏中責其立功自效奈何今又失守雖旋卽收復烏得無罪除候勘明另題外理合塘報天啓二年五月十九日塘報兵部

塘報復慶高筠珙四縣

爲塘報賊情事據總兵楊愈懋塘報本鎮統領官兵內  
丁於五月十三日申時行至馬蹄舖之前相去來佛渡  
十四五里聽得火砲亂響隨用減魯砲接應催兵前進  
賊已四散據署坐營加衍叅將吳民望等稟稱奢賊約  
有七八萬衆馬兵不下數千將都司李承芳焦之桐周  
良才龔從勝圍住民望與湯廷耀等鼓舞官兵奮勇力  
戰李承芳併力夾攻火砲打傷不計其數賊見官兵驍  
勇收兵劄營山上標兵內丁一齊攻打將穿紅蟒衣蓋

皮甲騎驃騮馬者被楊愈志一箭射倒賊人落地旁有  
騎青馬一賊下馬將穿紅者扶上青馬官兵將後項復  
中一箭馳馬逃走衆兵向前將下青馬者殺死獲金鐯  
銀鞘長刀一把衣甲俱全衆賊潰亂官兵乘勝追殺斬  
獲賊首三十餘顆奪獲賊馬二十餘匹綿甲腦包器械  
一百餘件至十四日二更時分奪賊數人在於雞爪山  
叫罵楊兵兒子陝兵畜子我家萬歲爺不曾害着你們  
如何將我家三千歲殺了好好將頭并金刀盔甲送來  
等情除令各營官兵相機擒剿恢復各縣城池其斬獲

首級并陣前重傷軍兵馬匹俟查明另報又據楊愈懋塘報十六日據領兵加銜都司焦之桐稟稱挑選精銳官兵并原統家丁於十四日夜走慶符約有五更時分衆賊在於城外東嶽廟連劄一十三營我兵衆寡不敵先點火砲亂打衆賊潰逃各兵向前趕殺斬獲首級七百一十顆慶符城內賊人望風盡逃等情到鎮又據加銜副將范繼道下督兵守備冷正榮報稱統領衝鋒軍兵於十五日黎明渡河走入慶符縣內不見一賊隨據吳民望李承芳等報稱聞得奢崇明懼怕大兵徑棄慶

符率衆由長寧逃走卽撥官兵防守慶符再復各縣并將斬獲首級查明另報外合先塘報又據楊愈懋報稱遊擊龔萬祿於十六日早攻取高縣奢賊盡行逃走龔遊擊在縣招安軍民具報間又據吳民望李承芳等稟稱連日在慶符招回鄉民男婦二千五百餘名口又據長寧縣逃回百姓稟稱奢崇明墜馬跌傷左腳將馬頭二人殺了與衆頭目言說錯起念頭不如早早收拾回去恐後頭追來不便各賊一半由長寧一半由筠連逃散七八千人矣等情到鎮卽行各官乘此破竹之勢奮

勇追趕本鎮統兵隨後以壯軍威直抵建武不敢坐失機會又接該鎮手書內云筠連珙縣俱已收復各等情又據敘瀘道副使李仙品報據加銜守備陳進忠稟稱蒙發恢復慶高等處進兵至來佛渡十二日辰時崇明發馮大窺探分兵四路約有萬餘從後山殺來奢寅統兵五千餘衆沿江殺來將馬湖建武二營圍繞加銜遊擊湯廷耀卽令龐廷爵等領兵救援追殺爵同哨官李龍斬壯級一顆胡富智啓等各斬壯級一顆賊退二十里督令把總楊正龍隔河用銃打死奢賊四人不能斬

首等情又據統兵都司僉書李承芳報稱本月十二日賊來攻營出兵對敵箭射銃打血戰賊敗當有守備楊愈志將奢崇明馬勝下一箭拋馬敗走照背心一箭被衆苗救去仍趕上前追殺斬壯級一顆紅旗千總蔣真割小功一個其銃箭打傷者不計其數賊退十里劄營等情各到職謹會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續看得逆酋乘間借兵攻陷建武長珙直出筠高興慶等縣官民望風奔潰酋即擁衆連營於叙南

咫尺之間勢甚猖獗本職輿疾至府會同鎮道發兵迎敵連戰尅捷賊遂狼奔我兵乘勝追殺已復數城建武亦不難恢復惟是知縣等官傅穎孫等不能嬰城固守輒自潰奔業已拏發該道究處隨據道府議詳謂邊邑久已破殘各官衆寡不敵姑令立功自贖候事平另議除行總兵督率將領嚴加偵探進取外理合塘報天啓二年五月二十一日塘報兵部

塘報殺敗援渝賊兵

爲塘報賊情事五月十三日據兵巡上川東道副使徐如珂塘報本月十一日據加銜守備鄒廷高接獲張形送出黃總兵家眷八名內婦人一口係黃總兵次妻又該總妻第二名口家人四名老醫生一名俱發越同知審明發回原籍去訖十四日據石砫司統兵加銜叅將陳思虞稟稱有都司周鎮原係援遼總兵周世祿之子向被樊龍稽留城內至本日躍馬來降同行三人皆言城中饑苦不過亦行越同知查明仍發陳思虞作爲鄉

導等因十六日又據兵巡下川東協理監軍道僉事戴君恩呈報四月二十八日督陣千總楊文試於重慶千斯門與賊對敵生擒僞守備梁友懷解杜總兵丘監軍親驗又報稱五月初二日捉獲僞守備周順李仲賢馬道等又報重慶攻圍多時叛賊抵殺甚勇本道用計密差千總戴鎔戴昌祚等於五月初五日辰時拚命力戰生擒弑官首惡黑蓬頭訖張彤聞之情願徑投本道等情十七日又據總理四川監軍道副使丘志充塘報本月十一日賊援兵二萬馬兵七八千去城五里高山下

營城中賊從通遠門傾營出兵向佛圖關衝突與援賊  
呼呼相應射洪王知縣率領遵義兵秦副將率領本營  
兵在佛圖關與賊大戰賊衆一時奔潰殺死一百餘名  
賊奔入城閉門不出援賊一枝自真武山一枝自南真  
坪大呼齊進酉陽三司越同知兵未及交鋒有屈遊擊  
統領西兵楊遊擊統領毛兵丁千總王千總領家丁  
盧大叅楚兵張憲副湖南兵徐憲副戴僉憲部下兵分  
路截殺賊衆大敗各營殺賊七八百名帶傷者不計其  
數賊退二十里下寨是日城中賊城外賊一時俱敗不

能相合除有功員役查明另報同日又據丘志充塘報  
十一日有賊近千人在朝天門外挑戰本道家丁同戴  
監軍家丁直前趕殺賊敗入城戴管戴鎔等擒獲僞守  
備趙信劉誠王安於左臂獲印三顆職營紅旗守備丘  
志純斬獲僞守備魏一中家丁丘福斬獲僞守備周彝  
各於左臂獲印一顆先有重慶衛百戶湛斯裕陷在城  
中本日亦隨出城供出各賊職銜姓名是實今將原印  
二顆除解本部院外理合塘報等因到職謹會同總督  
川湖雲貴等處軍務兼理糧餉兼制陝西漢中地方兵

部右侍郎兼都察院右僉都御史張我續看得渝城險  
關已破樊賊計日可擒乃酉復擁衆應援我兵奮力齊  
擊內外各賊俱敗雖隔江不能會合但未免分我兵力  
除行鎮道將領倍加戒嚴一面拒堵援賊以防偷渡一  
面攻城計取立限克捷外理合塘報天啓二年五月二  
十一日塘報兵部

報克重慶疏

題爲仰仗天威堅城克復賊首就擒飛報捷音以將聖  
明西顧事天啓二年四月十二日據兵巡下川東協理  
監軍道按察司僉事戴君恩呈稱樊龍堅據渝城所恃  
者搶掠之穀米所待者奢賓之援兵今本城三面皆江  
其出入要地止有佛圖關至二郎關一路故城自通遠  
門至兩關連劄一十七營宿以精兵爲謀實深識於三  
月二十八日會同兵巡上川東道副使徐如珂躬親督  
陣率石砫宣撫司女將軍秦良玉及領官兵秦明屏等

官兵直逼二郎關忠州刑官陞河南新鄭縣知縣胡平表亦領兵到關秦良玉督兵與賊大戰官兵奮勇斬賊千有餘級總理監軍副使丘志充統領叅遊守備等官兵俱到樊城聞風退守佛圖關同日又據胡平表呈稱三月二十八日賊首張彫與梅千總石千總率賊兵二萬二路迎敵秦良玉同秦明屏率兵追至龍洞槽二郎關秦良玉下土兵斬獲壯苗功三百顆生擒一百一十一名獲馬六十匹秦明屏親斬與部兵斬獲壯苗功共二百二十九顆生擒真賊七十二名獲馬五十匹卑職部

下官兵斬獲壯苗功一百三十五顆生擒十二名獲馬  
騾共六匹各獲械甲無數張彫等奔守佛圖關又據秦  
良玉秦明屏各呈報前功相同緣由到臣俱經批行總  
理監軍道查覈去後五月初八日據總理監軍道副使  
丘志充貴州監軍道按察使楊述程報稱四川總兵官  
杜文煥同職等領毛兵營官兵於二十二日申時進攻  
佛圖關賊率步兵一萬馬兵五百前來拒敵被砲打死  
數多職率中軍官文定督陣加銜守備備丘志純千總周  
宗禹等直追至關斬獲真苗三顆至二十三日又攻打

陣幾入其壘而賊心膽已裂二十四日黎明杜文煥  
統親丁及毛兵營加銜叅將楊克順等兵直衝賊營秦  
明屏率本部兵繞出賊後賊督兵五千出戰杜文煥指  
揮衆兵奮勇撲殺賊衆大敗追入佛圖關殺死三千餘  
人屍積深溝兩岸俱平賊營三十餘寨一時俱空職與  
楊按察使日在軍前親自督陣日觀血戰光景真摧枯  
拉朽從渝城有變以來未有創賊之甚如今日者也有  
勦員役查明另報同日又據胡半表呈稱卑職於二郎  
洞分布漢土官兵連營已畢卽率秦良玉等攻關斬獲

甚多又據秦明屏呈報四月二十三日職自二郎關親  
統石砫本營大兵直抵佛圖關前布列成陣賊自關上  
衝下三次被兵殺退至二十四日秦翼明等官兵扣關  
賊衆殺出官兵分頭接戰率生力軍從旁夾擊賊衆大  
敗當陣斬功數百乘勝直追入關賊墜崖谷死者數千  
餘又據僉事戴君恩呈報職傳令各營於二十四日齊  
攻佛圖關至期各官兵一齊奮勇於已時奪關將賊營  
燒焚賊兵盡奔入城又據總兵官杜文煥報稱統領漢  
土官兵於四月二十二日二十四日與賊交戰斬獲賊

首七十七顆內有一顆據生擒部賊梁孝驗認實係奢  
酋僞授重慶府知府徐凱首級隨解總理監軍道驗明  
又據邑梅長官司統兵加銜叅將楊光斗呈稱二十四  
日奉令會兵職督家丁李阿元等誘賊大戰衝殺入關  
燒燬營寨擒斬苗賊六十二名顆又據該司領兵加銜  
守備楊光恒呈報同日督兵攻關親斬賊級二顆部斬  
十一顆又據湖廣大田千戶所功投指揮楊通權呈稱  
率部兵與邑梅合營攻打佛圖等關親斬賊級一顆部  
兵擒斬四十名顆職弟千戶應襲楊通堯親斬賊級二

顆生擒一名俱經解驗給票又據僉事戴君恩呈稱先是本道密遣親信入城誘誘賊黨於四月二十六日獲僞指揮梁友懷五月初二日誘獲僞守備周順李仲賢馬道初五日獲僞總兵黑蓬頭并蓬頭親弟僞指揮成芳及友得等各徑投本道發萬縣監候又據本官呈報于總戴呂祚等率兵擒獲賊首僞叅政王光宗據逃出生員沈崇機供稱光宗係樊張心腹主謀僞造曆日僭稱帝號督餉領兵兇惡不在黠目之下合行呈報又據本官呈稱指揮任調元龔之霍等領兵併力殺賊

敗走追趕至大石窩斬獲大將一名佩帶銀刀身穿繡  
甲掩心獄內搜獲僞璽勅書一道內有職銜姓名係總  
兵丁崇理并獲黑蓬頭報功奏啓一道應合呈報等因  
又據副使丘志充塘報五月十一日有賊千人在朝天  
門外挑戰本道同協理監軍各道發兵趕殺戴鎗等擒  
獲僞守備趙信劉誠王安於左臂獲印二顆加銜守備  
丘志純斬獲僞守備魏一忠家丁丘福斬獲僞守備周  
榮各於左臂獲印一顆先有重慶衛百戶湛斯裕陷在  
城中本日亦隨出城俱出各賊職銜姓名是實合行呈

報等因又據本官塘報五月十一日奪賊援兵二萬馬  
兵七八千去城五里高山下營城中焚賊亦從通遼門  
領營出兵向佛圖關衝突與援賊呼呼相應射洪知縣  
王新民率遵義兵秦明屏領本營土兵在佛圖關與賊  
大戰殺死一百餘賊敗潰入城奢首援賊一枝自真武  
山一枝由南真坪大呼齊進平邑石耶酉陽等司土兵  
并同知越其杰兵遊擊屈通領西兵楊克順領毛兵并  
協理監軍叅政盧瑛田副使張孝徐如珂僉事戴君恩  
各部兵分路截殺賊衆大敗各營殺賊俟查明另報又

據本官塘報援兵連劄七營欲從黃葛渡捨船入城十四日被鎮道官兵四面攻殺敗走官兵直攻老寨一時七營俱潰斬首二千餘顆遺棄器械無數又僞勅數通僞印數顆各營查明另解殘賊尚在四十里團聚仍發兵趕殺等情又據湖廣分巡武昌道督兵副使張孝塘報五月十四日據中軍加銜守備王拱樞報賊援兵在鐵矢坎屯劄徑來衝營樞誘賊上山伏銃打死三十餘賊追上大營樞將周鼎射中一箭入馬落崖止獲黃傘二把又指揮顧紹勲親斬賊黨生員僞守備牟特首級

一顆千總龐宗孟崔一植加銜指揮鄭國瑞千戶張國篆武士秦貴等共擒斬苗功五十一顆追四十里而還又據丘志充楊述程盧瑛田張孝徐如珂戴君恩塘報奢賊援兵二萬馬兵七千十四日被官兵殺敗斬首落水不計其數尚有殘賊數千圍聚白節驛本夜發兵趕殺又斬首千餘級餘皆四散竄伏前有江隔不能得渡俱被江津縣鄉兵捕殺無遺又據總兵官杜文煥塘報五月初八日聞奢寅遣僞都司周鼎等統賊兵來援重慶隨與監軍各道發兵拒剿賊去城南隔江五里高山

下營向城中擊鼓呐喊，焚賊領兵出通遠臨江南紀三  
門向佛圖關衝突，與官兵大戰殺賊百人敗奔入城援  
賊，因我兵拒堵不能渡江。至十二日官兵分路截殺賊  
衆，大敗斬首七八百級，帶傷無數。當與總理丘副使并  
監軍各道議將官兵分爲三路。於十四日進攻賊營，各  
賊以馬兵在前，步軍在後，分頭來攻。內有賊首張紅旗  
大書欽差提衛文武鎮東招討司節度使周卽僞都司  
周鼎也。一張大紅紗傘，卽叅軍羅世選也。其餘張黃藍  
傘者七八人。羅世選執旗指揮三營，俱進官兵隨路追

擊賊不能逞遂歸木柵拒守有管火器加銜守備黃章  
士等連放滅魯大砲數十打開木柵三路官兵併力衝  
入焚燒賊營房各賊四出奔走官軍追殺三十餘里周  
麗重傷墜馬被賊拉去跌崖投河死者不可勝計家兵  
追殺僞將一級佩有銀刦僞勅各營共斬僞叅軍羅世  
遷等及真苗二千餘級奪回被擄男婦子女六百餘名  
口紅黃藍傘六把旗幟三十餘面長鎗大銃弓弩衣甲  
等項二千餘件僞印七顆僞勅諭帖空劄三十餘紙收  
兵回營等情又據監軍叅政盧瑛田呈稱于總牟海龍

等在南城鋪堵截奢首救兵交鋒共斬獲賊級四十三  
顆當解丘副使驗明又據本官呈報百總黃良碧等共  
斬真苗首級三顆部兵賈得勝等擒獲生苗陳友等六  
名解道審明轉報梟斬訖又牟海龍親斬苗級二顆獲  
僞參將羅高劄付一張百總徐國臣等共斬苗級十二  
顆又據標下領義兵營守備加銜遊擊秦衍祚報稱與  
加銜守備程君恩率兵於十四日與援賊交鋒追至烏  
壩沱大戰程君恩生擒僞都司蕭成奪獲本賊犀帶一  
束僞詔一紙已交監軍道楊按察使收貯又據監軍變

州府同知越其杰呈稱逆賊出援重慶職發遵義加銜  
守備袁鑿郭尚榮等領兵往禦於本月十四日遇賊交  
鋒官兵奮勇殺賊敗追五十里十五日袁鑿伏兵突發  
賊自驚潰墮崖赴水死者千餘斬獲苗功六十一顆又  
指揮樊士華當陣擒獲僞守備李齊民供隨周鼎帶兵  
一萬三千來救重慶在陣被獲等因各緣由到臣會同  
塘報訖六月初七日據四川總理監軍道副使丘志充  
協理監軍道副使徐如珂僉事戴君恩貴州威清兵備  
奉旨總督標下協理監軍道按察使楊述程湖廣協理

監軍道叅政盧瑛田副使張孝塘報遵奉本院并總督  
部院憲檄將贊畫并道府各官招募兵士悉歸四川總  
兵杜文煥湖廣總兵薛來胤統領分布攻打九門仰承  
秘授方畧用間招誘先有賊授僞叅政王光宗僞總兵  
傅文進黑蓬頭成受等先後誘致投降又有守備孔大  
成原與張形先年在劉總兵部下同事相識於二十四  
日行令入城招誘期以保全鄉紳士民各賊猶然鴛鴦  
不出職等遂督官兵晝夜併力攻打賊勢不支於二十  
七日張彥石永高送子張國用及僞署巴縣知縣徐應

舉出降樊龍父子衝圍而走官兵截殺當時擒獲張彤  
石永高見樊賊被擒復奔城內堅壁抗敵職等又復鼓  
舞三軍奮勇攻戰於二十八日三更一齊登城喊殺震  
天城門大開將張彤并賊黨砍殺殆盡石永高并僞授  
督餉道胡文榮就擒看得逆賊據城僭號屢抗王師官  
兵攻圍久未得下皆緣我兵渙散賊黨衆多如張彤石  
永高樊友成張國用萬寶等則抖搜矯健臨陣輒敢當  
先傳文進徐應舉王光宗胡文榮等則亡命奸民設謀  
更爲兇狡今賊黨既已後先擒獲而我兵又復號令森

嚴夫是以天險之堅城爲賊占據者將幾一載而彈指間卽收復之此寔仰藉朝廷之神威真爲宗社之大慶也等因又據總兵杜文煥薛來胤各報相同緣由到臣臣查得鄖陽撫臣陝西撫臣先奉有協剿之旨而楚省撫臣近領有討賊之勅且陝撫遣原任固原東路遊擊祁繼祖率兵丁防守銅羅峽西安後衛指揮周宇善領標兵堵截瀘納之間楚撫遣副使張孝提湖南殺手親履戎行鄖撫移鎮荊州與原題總理監軍道叅政劉澤深朝夕商確機宜詰兵振旅則諸臣悉同舟共濟之人

也該臣會同總督川湖雲貴等處軍務兼理糧餉兼制  
陝西漢中地方兵部右侍郎兼都察院右僉都御史張  
我續撫治鄖陽都察院右僉都御史楊述中贊理軍務  
巡撫陝西都察院右僉都御史呂 ■ 巡撫湖廣提督  
軍務都察院右僉都御史薛 ■ 看得重慶石城天險賊  
拚死拒守而我兵漢土異心未易猝下臣自成都圍解  
無日不催兵攻取期救此一方乃我兵方聚於渝而賊  
卽暗借苗兵突陷建武六縣徑出叙南臣力疾馳驛叙  
府上下料理一面向督總兵楊愈懋副使李仙品督率大

兵渡河血戰崇明負傷敗遁失陷一時恢復一面催促  
總兵杜文煥并監軍各道剋期攻渝自秦明屏率兵首  
據二郎關而杜文煥與監軍丘志克楊述程徐如珂戴  
君恩河南將官楊克順各領延兵毛兵直抵佛圖扼據  
險要湖廣監軍盧瑛田張孝總兵薛來胤統領叅政劉  
澤深之兵亦一時鱗集僇力攻取而又殺敗賊援賊始  
無固志奈何各奸民有暗賣火藥米鹽與賊內外交通  
屢屢擒斬閔不畏死甚至贊畫兵船亦販賣交通而監  
軍莫之能禁尤其異者幸督臣移鎮合陽指示方畧一

切交通嚴爲杜絕按臣張論飛檄嚴催又捐銀千兩懸賞鼓舞遂令軍聲大震首惡就擒餘黨悉斬恢復巖城有如破竹雖則鎮道協力同心寔皆仰仗皇上神武遠昭廟堂訐謨石畫之所致也臣將拜疏據兵巡下川南道叅政王世仁呈據合江縣知縣周夢可報稱首惡周鼎被加銜指揮詹君泰等擒獲解道轉解到臣審實監候以備獻俘除渝城節次功級俟查明報部有功員役另行具疏題敘外合先馳報以慰聖懷爲此具本謹具題知天啓二年六月初九日具題奉聖旨兵部知道

查叅不肖有司疏

題爲查叅不肖有司以肅吏治事臣惟元元之命寄於  
司牧得人則如在襁褓不得則如就水火况蜀當兵燹  
之後一望丘墟四野之烽燧未消中澤之哀鳴正苦所  
關各有所休養撫輯宜何如如意而乃復有吸髓椎膏  
殘民以逞者三尺謂何其忍隱蔽據司道開報叅以臣  
之聞見得其不肖者三人謹會同巡按四川監察御史  
張論據實爲皇上陳之訪得汶川縣知縣林大佑才本  
猥瑣性復乖張徒知攫利充囊不顧以官爲市一前任

羅知縣將未奉道案糧銀預借軍兵本官窺其擅動止接印信不收庫冊勒受銀五百兩始放行者通縣人都笑之可證也一本縣所屬地方出產大木本官遇商人投縣報名每名索銀六兩一票共六十餘兩商人淡濱常思貴等可證也一本官每遇商人編筏下河摘差股快師言等前來清油沱盤阻每商抽取杉板三副每副賣銀一兩七八錢計一千餘副共賣一千八百餘兩入已各商共清油沱居民皆可證也一本官未遇清明預行發票於猶溪古溪黃家村等處行取芽茶一千斤毫

不給價以致各鄉婦女剜心啼號差快高從啓等可證也一本官差人於上下白水寺村產椒處所逐門取椒二斤不下萬斤毫不給價快手董策可證也一本官得受寒水太平二驛馬戶二十餘名銀一百餘兩入已稱驛苦寒捏文申請加增濫費官錢馬二高尚學等可證也一本官聽信群小狐鼠公行每陞堂聽心腹何小吏在堂稟僉一應投詞俱小吏叫名分付從中撥置賄賂公私閭縣切齒可證也此一臣者邑小而願則奢才劣而行多舛蠅頭必取巖腹難填所當照貪例革職爲民

者也又訪得鄆縣知縣林必成素多疵行好獵虛聲聞  
警止解奔逃馭下全無檢束一本官編派錢糧出額數  
千金積書譚加啓進衙把持本官用銀五十兩給加啓  
買和闐縣皆知王三思等可證也一徵收錢糧每縱親  
子出外臨櫃抽去數封或三五兩或十餘兩忍氣賠償  
各收頭可證也一鄉民王天爵姦通黑繼成幼女甫嫁  
卽育女翁告發本官得受天爵銀一百兩卽與曲處結  
案黑繼成可證也一本官遣子還鄉伊子入省嫖娼將  
行囊費盡本官差人行提樂戶勒令倍數賠償通省笑

罵可證也一本官信任黃主簿外結霸學生員姚贊化  
覃惟斗出入過付小民不堪魚肉又信任被訪積棍孫  
濟李漢二人入衙關說通縣無不欲寢皮食肉有三知  
縣四強盜之謠縣民周昌宏等可證也一將生員沈猶  
龍因錢糧相激責治收監致閩學擁集縣門面數不法  
穢狀欲赴省告理本官無柰輸銀三百兩送學求和邑  
民張鳳棲可證也一去年十一月初賊未到縣本官聞  
省城圍急卽挈家乘城逃至大安寺地方委乘倉庫初  
五日賊到焚劫一空圍縣共恨可證也一十月終松兵

過縣索餉本官全不給處諭令往各鄉自取以致各兵  
任意搶擄四鄉男女羅害獨苦士民嚴子儀等可證也  
一倉穀盡被賊焚事寧僞報無恙嚴刑濫罰大戶張拱  
辰馮東江葉林陳詢羅變等數十人稻穀或五六十石  
或一二百石每石折銀六錢入已張拱辰夾兩夾棍誣  
以竊倉穀罰穀一百石另追罪銀十兩本人痛冤其他  
如夫婦不和亦藉名還倉罰穀不等俱可證也一衙宇  
城門俱燬虛報無恙衙民曹六國被讒妄誣降賊本官  
遂將六國房屋拆毀修縣六國苦訴止免卧房一層仍

罰柏樹百根抵換本人可證也一指修灌縣欄干堰起  
鄉夫六百名每名各派使水戶銀三錢五分入官奢賊  
到省堰竟未修銀皆入已一切分造綿甲腦包俱派里  
甲毫不給價各里併使水花戶可證也一縣民趙泮被  
擄投陝寧歸里邑人殺之本官倡令盡誅蜀族數十  
家田地家資沒官見今衙役橫據趙產收割菜麥其田  
其值千金餘不知作何處分孫濟等可證也此一臣者  
因才爲累每事招尤縱子宿娼義方之訓何在取民無  
厭繭絲之怨難堪所當照不謹例冠帶閑住者也又訪

得江津縣知縣周禮嘉初任頗著才名聞警亦能防禦  
厥後解終遂滋多口一本官到任時遇天旱每米一石  
值銀一兩止給價四錢每日票取各行貨物十不支一  
萬應世證一徵收四十七年錢糧三萬五千兩縱收頭  
私用大等科收每兩外加二錢拆剩銀五千餘兩入庫  
本官旂卽收入萬瑜等證一酷刑打死良民楊時友劉  
四兒夏邦曉等二十餘命刑房卷証一僧官因朝賀來  
遲罰穀二百石折銀六十兩起益證一本官親兄回籍  
沿江刷船每隻貼銀四兩共貼銀一百餘兩入已陳應

辰證此一臣者初則嬰城固守後以力屈而陷情若可  
原但大節既已踰閑物議忽爾騰搆似難覲顏居於民  
上所當降調以示器使者也伏乞勅下吏部再加查訪  
如果臣言不謬將林大佑革職爲民林必成冠帶閑住  
周禮嘉降調遣下員缺卽行銓補勒限前來任事庶貪  
墨知儆而熒獨有賴矣爲此具本謹題請旨天啓二年  
六月十五日具題奉聖旨吏部知道該本部覆將林大  
佑貪爲民林必成不謹閑住周禮嘉不及降三級調用  
奉聖旨是

塘報擒降僞節度周鼎等

爲塘報賊情事據兵巡下川南道叅政王世仁塘報據納谿知縣李景融報稱奢賊僞將秦國俸久約歸降今見奢寅發兵前來十分告急本道發兵接應秦國俸同名下兵三十人馬七匹渡江而來合行塘報又據李景融并劉養鯢等各稟稱秦國俸累蒙本院諭降因接家眷未至尚爾猶豫今見事泄渡江投降俸有三子被寅誅其二子止帶一子渡江同住營中商議進兵等情又據王世仁塘報瀘州旣取之後茜草一帶營房甚多長

可數里我兵不知其中虛實亦自疑懼本道計令官兵偷渡放火將賊連珠二老營一齊燒燬賊衆奔潰自相踐踏死者不計火焰半日不絕遠近歡聲動地等情又據王世仁塘報本道於六月十二日至瀘州到任隨據納谿縣稟稱奉道轉奉軍門嚴令擇本月初十日寅時進剿惟時旱職同叅軍劉養鯢督本縣加銜守備趙龍關寵等領兵暗渡到縣望見賊營烟火不絕疑有防備不意賊覺當夜懼逃遂令衆兵尾之追殺頗多俟驗明另報等因隨據劉養鯢何正光何繼光胡縝胡肇虞塘

報職等以四百騎屯於江北趙壩與納谿一帶二萬餘  
賊對壘人心疑畏納谿賊營僞授兵部郎中永寧生員  
閔侍孔與職等書云我本王臣陷於賊內聞君高義願  
効愚忠職等復書多方獎誘又暗約賊營僞都司雷應  
龍爲內應仍計設疑兵并令夜刦賊寨使賊不寧賊與  
閔雷計議欲走茜草合營閔雷言走外不如走回永寧  
又明言十一日官兵五路夾攻賊卽於初十日半夜兩  
路遁走職等先夜分布把關伏隘一路胡縷胡肇虞一  
路胡道行鄭世臣一路趙龍關寵一路趙志上宋純武

各督兵截殺去後於天明時職等各帶精兵直搗賊營  
閔雷二將帶兵五百同妻子屯於三江壩中候職兵回  
時投見渡河同劄趙壩共計搗巢之策爲照逆苗用閔  
侍孔爲軍師以雷應龍爲都閫今仗義來歸使賊潰敗  
雖仗本院指授方畧亦宜重賞以鼓人心職等在趙壩  
前後招降苗地兵民數約五千是日各路擒斬僞都司  
黃勝杜仲芳等三人并三大頭目及賊首通共一百八  
十四名顆追賊投水死者不計其數俘獲婦女四十五  
口奪獲賊馬七匹牛七隻盔甲三付皮甲一領綿甲腦

包五件長刀十四把鑽刀三十把刷刀一把弩二張銃  
四門鎗三十八杆黃傘一把絮被三床合行塘報等因  
又據江安知縣陳達道申奉本院憲牌仰縣督率部衆  
追剿逆賊招降黨羽仍暗抄底蓬先滅弟酋等因該甲  
職分兵直搃底蓬斬賊級二顆并用計擒獲僞鎮邊都  
司周之才僞指揮李方抹賽李朝陽解赴本院正法其  
弟酋夜奔永鎮司濫霸而從叛之民尚爲彼羽翼於是  
晝夜遣細作密至酋營傳諭各民禍福致從弟酋爲戎  
首者如生員李占先等及叛民姚應期等二千餘人戶

連夜扶携到縣弟酋見衆星散隨卽搜歸不知何止底蓬一帶幸仗清寧等情又據合江縣知縣周夢可申稱五月二十三日據加銜守備杜揚舉加銜指揮羅化龍詹君泰詹應祿及本縣主簿王繼泰典史黃漢清各報稱賊首惡節度使周鼎羅尚榮等統賊三千有奇由江津蠶過本縣官坎堡燕子崖趕散居民占房劄宿職等督兵四路截殺共計生擒賊首潘啓翔等八十餘名斬僞參將阿成千總劉盛等一百五十餘級俘獲婦女三口馬骡十五匹軍器刀弩等項又詹應祿於大凹口

殺賊數十又陣前殺傷難解者七十四人與生擒各賊俱該本縣審實奉令梟斬訖除周鼎另文轉解合行申報等因又據瀘州知州馮曾楷申稱先據合江縣生員劉紹虞馮名等密稟卑職具請憲臺劄付并免死執照招降馮宜朱國恩等六員機泄朱國恩誘殺馮宜等七人朱一龍等各有降狀俱已誠服聽令首首僞都督羅用羅華自江津敗歸合江亦願投降領劄卑職遣人督催朱一龍等進兵并諭降羅用羅華去後今據劉紹虞稟稱集兵萬餘定計恢城必分兵仁合兼取使首彼此

不得應援因發兵強半攻復仁懷隨據加銜守備劉傑  
報稱本月初六日恢復仁懷城池僞授都御史袁昇龍  
跳城奔逃斬獲三級生擒僞總兵郭鼎鉉并僞千總王  
榮張友惟乞發兵應援并護解生死功級等情到職竊  
照郭鼎鉉係仁懷生員爲首謀主諸首首俱願投降獨  
鼎鉉堅執不肯今旣就擒殊可痛快初八日夜分朱一  
龍朱朝爵袁昇袁鼎等生擒獲袁昇龍在營仁懷大勢  
已定又據合江知縣周夢可報稱初六日復城納谿知  
縣李景融報稱初十日復城數日之內四城相繼克復

嗣是進兵搗巢勢如破竹等因又據合江納谿二縣稟報相同又據監軍推官郭象儀報稱奉令前往瀘陽賊在江岸揚兵數千於初九日未明時統砲喧天喊聲震地見賊首一人整衆千餘坐船五十餘隻渡江來攻岸上陳兵亦不下數十里職會同張鄉官分發將官譚正通李縉徐永武冉世烘譚大孝各督兵迎敵用銃箭打沉賊船一隻賊俱溺死又傷死落水數十人賊不能近岸俱順流下回營拏獲奸細二名審供五日前賊有二三萬餘人今已調回永寧止留得一萬防守候官兵到

方盡發來是夜遣人舉火燒賊水營會賊營火藥燒起  
延燒山營一時烈焰冲天賊衆不知所爲東西亂走天  
明見歸降百姓浮水滿江皆是而賊已宵遁矣各營收  
回男婦不下數百等情又據本官塘報茜草二十餘營  
俱以火攻燒走隨卽遣發叅將譚大孝指揮徐永武并  
冉世烘譚正修正通等各領兵前去追殺譚大孝等趕  
至十五里地名象鼻子又二十里桔子坎桃子壩先後  
斬級五十七顆活拏男子一百零八名婦女三十九口  
營內搜獲納谿巡檢司印信一顆僞勅劄付等項一封

追賊奔丟皮甲腦包共三十件馬絮一百三十九領刀  
槍一百六十八件將軍百子鳥銃共三十門鉛彈火藥  
數十斤合行塘報等因到職該職會同總督川湖雲貴  
等處軍務兼理糧餉兼制陝西漢中地方兵部右侍郎  
兼都察院右僉都御史張我續看得逆賊之久肆瀘納  
地方也彼知官兵尚稽渝城未易齊集故敢東衝西突  
擾我邊圉及來福渡一戰崇明身負重傷餘黨披靡竄  
去周鼎援渝兵敗又復被擒渝城旣下樊龍張彫等盡  
被擒斬於是茜草等處之賊莫不聞風膽落官兵所向

賊卽潰奔若秦國俸久聽招降特內顧妻子是以遲遲  
今國俸已傾心來降爲我効力閔侍孔乃永寧士子始  
則甘心助逆今旣與雷應龍悔禍歸降姑待以不死用  
示招徠仍令殺賊有功一體敘錄至於郭鼎鉉與先獲  
之周鼎皆以青衿爲首謀主委以心腹重任授以節度  
總兵造孽彌天擢髮難罄觀周鼎與何若海告天誓文  
尤令人髮指袁昇龍自謂負嵎之虎人莫敢撄今一併  
就擒殆天厭其惡而使之入網首之心腹羽翼從此漸  
除我兵掃穴犁庭勢亦無難矣除取解郭鼎鉉袁昇龍

同周鼎監候獻俘所報功次批行該道覆查有功員役  
事平另敘外合先塘報天啓二年六月十八日塘報兵  
部